



Travnik, 05.07.2019. godine

- SVE OPĆINE U SBK
- OBRTNIČKA KOMORA SBK/KSB
- UDUŽENJE POSLODAVACA SBK
- PRIVREDNA KOMORA SBK
- PRIVREDNI SUBJEKTI SA PODRUČJA SBK

**Predmet:** Informacija o učešću na seminaru, dostavlja se

U skladu sa nalogom ministra Ministarstva privrede, predstavnici Ministarstva privrede su dana 03.07.2019. godine (srijeda) prisustvovali seminaru, u organizaciji Privredne komore Zeničko-dobojskog kantona, na kojem je prezentovan četvrti poziv za dodjelu bespovratnih sredstava Challenge to Change projekta za inovativne poslovne subjekte u BiH. Na seminaru se razgovaralo o procedurama prijave na poziv, sa posebnim osvrtom na popunjavanje i podnošenje online aplikacijskog formulara za aplikante.

**Sažetak informacija sa seminara:**

- Shodno trenutnoj situaciji u Bosni i Hercegovini, Švedska agencija za međunarodni razvoj i saradnju – Sida, je razvila novi instrument za podršku inovativnim projektima i procesima u BiH. Nakon završene pilot faze (Challenge 1.0), Sida se odlučila uspostaviti partnerstvo sa lokalnim insitucijama i nastaviti razvoj novog projekta „Challenge 2.0 – Challenge to Change C2C“.
- C2C projekat je četverogodišnja inicijativa (2017-2020) koju će implementirati Sarajevska regionalna razvojna agencija SERDA i Republička agencija za razvoj malih i srednjih preduzeća – RARS, dok je partner u projektu i Region Ostergotland, Istočna Švedska.
- Osnovni instrument podrške je „Challenge fond“ koji na otvoren, transparentan i konkurentan način prijavljivanja pruža aplikantima priliku da ostvare jednokratnu finansijsku podršku za prevazilaženje nesigurnosti i rizika koje uključuju inovacije, istraživanje i razvoj. Pretpostavka je da bez podrške Challenge fonda ove vrste aktivnosti ne bi bile realizovane ili bi bile realizovane u nekoj kasnijoj fazi sa smanjenim razvojnim efektima. Challenge fond je instrument razvojne pomoći koji će putem mehanizma sufinansiranja podržati svaku poslovnu organizaciju ili kompaniju, koja je spremna riješiti određeni problem inovativnim rješenjima. Uspjeh Challenge fonda se oslanja na mogućnost privlačenja kvalitetnih inovativnih ideja iz širokog spektra mikro, malih i srednjih preduzeća, koji svojim aktivnostima doprinose ekonomskom i socijalnom razvoju zemlje, a sve kroz primjenu najboljih švedskih praksi i vrijednosti. Uspostava jakih poslovnih i ekonomskih veza između kompanija BiH i Švedske može dati dodatnu vrijednost projektima i uopšte razvoju ekonomije Bosne i Hercegovine.
- Raspoloživa finansijska sredstva Challenge fonda, koja je obezbijedila Sida, iznose oko 3.000.000 EUR. Ukupan iznos sredstava će biti raspoređen na pet javnih poziva, tri poziva su već okončana. **Za 4. javni poziv indikativni iznos sredstava je 800.000 EUR. Sufinansiranje (sopstveno učešće) podrazumijeva korištenje vlastitih izvora finansijskih sredstava za**

realizaciju aktivnosti navedenih u projektu (primjeri vlastitih sredstava: gotovina, kredit, drugi donatori i slično).

- Tokom realizacije projekata, dodjela sredstava iz Challenge fonda će biti vršena na principu refundacije u cijelosti ili u tranšama. Za svaki pojedinačni slučaj, u zavisnosti od prirode projekta (dinamike realizacije projektnih aktivnosti ili drugih specifičnih elemenata), način plaćanja će biti definisan na nivou pojedinačnih ugovora sa krajnjim korisnikom (uslovi korištenja sredstava, vrsta realizacije (dodjele) granta, načini izvještavanja, kao i druga prava i obaveze).
- Kako bi bili prihvatljivi za dodjelu bespovratnih sredstava iz Challenge fonda, kandidati/aplikanti, moraju zadovoljiti sljedeće kriterije:
  1. imati status privrednog/poslovnog subjekta,
  2. biti registrovani u Bosni i Hercegovini ili Švedskoj,
  3. obavljati registrovanu djelatnost najmanje 6 mjeseci do dana objave Javnog poziva,
  4. biti profitno orijentisani,
  5. osigurati predviđeno sufinansiranje (minimalno 50% od ukupne vrijednosti projekta),
  6. direktno su odgovorni za pripremu i provođenje projektnih aktivnosti (sa partnerima, ukoliko ih ima).
- Imajući u vidu definicije malih i srednjih preduzeća u Bosni i Hercegovini i Evropskoj uniji, specifične ciljne grupe su definisane na osnovu međunarodno prihvatljive prakse i to mogu biti aplikanti iz sljedećih grupa:
  1. Startup – početnici u poslovanju – Bilo koji oblik privrednog/poslovnog subjekta, koji od trenutka registracije do trenutka objave Javnog poziva obavlja djelatnost od 6 do 24 mjeseca,
  2. Preduzetnici (obrti) – Privredni/poslovni subjekti registrovani u skladu sa normativnim i zakonodavnim okvirom (kao i komercijalna poljoprivredna gazdinstva),
  3. Mikro, mala i srednja preduzeća – Privredni/poslovni subjekti registrovani u skladu sa normativnim i zakonodavnim okvirom koji imaju do 250 zaposlenih,
  4. Zadruga – koje su registrovane u skladu sa normativnim i zakonodavnim okvirom.

Sve dodatne informacije u vezi sa ovim pozivom potencijalni aplikanti mogu dobiti posjetom web stranici projekta: [www.c2c.ba](http://www.c2c.ba) ili slanjem upita na e-mail adresu: [info@c2c.ba](mailto:info@c2c.ba).

Ukoliko su Vam potrebne dodatne informacije vezane za prijavu na navedeni javni poziv ili posredovanje u kontaktu sa institucijama koje raspolažu istim podacima, Ministarstvo privrede Vam i dalje stoji na raspolaganju.

Dostaviti:

Ministarstvo privrede

- Naslovu,
- a/a